

QVÆSTIO MEDICA

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS, XXII. MARTII.

M. ROBERTO PATIN, Doctore Medico, Moderatore.

1071.

An Senibus Vinum parcius, dilutius?

QUOTIDIANO corporis defectui, qui naturalis quidem, at certe grauius est morbus, verius quædam mortis prolixitas, non aliter mereri potest homo, quam si potus cibique adminiculo farciat quicquid illius succo continenter decedit. Videre autem & in omni vita meditarum habere debet, vt id tantum adhibeat, quo vires reficiantur, non opprimantur: nempe vt sanitatis mater est abstinentia, sic intemperantia malorum omnium Lerna est: Vir frugi omnibusque vitæ partibus moderatus rectè omnia facit: potu etenim pastusque parcior videntur membra omnia, viget & sui compos erectusque animus, immoderato fartum distentumque corpus mentem obstupescit, suas ei sordes allinit, obstruâque virtutis & sapientiæ semitâ, ad sublimiorum rerum contemplationem non finit assurgere. Neque verò satis est nihil prorsus vltra modum atque necessitatem attingere, nisi hoc ipsum quod ingeritur, suauissimum sit, & idem facillimum ad concoquendum.

VITÆ melioris custos & optima procuratrix frugalitas multos funditus secundæ valetudinis bonis euerit, quod eorum quæ restrictè assumebant, pestiferis viribus haudquaquam intellectis, insistant sibi à natura temperiem inculpatam sensum pessimæ commutarint. Quomodo enim citius atteritur lima quæ ferrum radit atroditque durissimum; ita naturalem illum calorem, cui conficiendi alimenti partes à natura datæ sunt, tum maximè frangi diminuique necesse est, cum ægrè omnino suum absoluit pensum; ipsæque interim vniuersi corporis partes hoc promptius appellentis succi peregrinas induunt qualitates, quò is contumaciôr, minulque coctionis patiens fuerit. Porro dispar est vitalis ille calor non solum in dispari, verum etiam in similis temperamenti, sexus, & ætatis hominibus. Oris nondum cibus firmi infantibus nihil præter geminum potandi liquoris lactei fontem Natura aperuit; quicquid frustra Ars adijcit, malè cedit. Secus se res habet in adultæ, florentis, constantisque ætatis hominibus, ad quorum luculentiorum velut caminum penè nullum non coquitur, vincitur, domaturque etiam valentius alimentum, calore haud amplius, vt in puerulis, vbertate circumfusi humoris hebescentes senes quos iam destituit calor, velut ad vitæ carceres reuocati infantium more tractandi sunt mollius, quòque propius absunt vt eorû natura morte dissoluatur, hoc paucioribus, coctûq; facilioribus alimentis est sustinenda, ne velut ligna quem pascunt ignem largius congesta suffocant, nimio aut in domito succo obruatur, qui extingui debebat sua sponte, nullaque adhibita vi consumptus igniculus.

VINVM quod succus est è maturis vis expressus, quanquam sit è potulentorum familia, iure tamen & in eorum quæ nutriunt numerum potest adscribi: alit enim, sed malignè: quantoque facilius est potu quam cibo impleri; tantò celerius infusum corpori vires inimicas effundit, argumento sunt halitus, ructusque fetidi, sitis, iniquies nocturna, furiales somni, tremulæ manus, & quæ hoc fonte deriuata morborum ilias hominem grauius solet fligere. Vinum album si & generosum, multis nominibus est insensum; nigrum, ceu dulce obstruit: rubrum citius in sanguinem abire qui prædicant, ridiculi ac totius Naturæ ignari. Merum nemini non remis velisque fugiendum, & quemadmodum fere fert humanarum statum rerum, quò nobiliss, hoc nocentius: ab hoc frequens inuoluitur, cum vix aliquando profit vinum, sapissimè noceat, iis qui sua sine corporis viribus sustinere nequeunt opera, ipsique grande nihil nisi morâ mente loquuturis Poëtis relinquere: cæteros, ceu vult Ille, Reges, quibus ingenij munus, non laterum lacertorumque tuendum est, eo carere præstaret. Staphylium tamen si audias, poterit eius esse aliquis vltus, sed rariôr & parcior. Minore profectò impendio & labore, at maiore valetudinis commodos saluberrimum vbiuis obuiz & antenos genitæ aquæ liquorem cæterarum more animantium quisque ad potum adhiberet, nisi magna pars hominum, dum se non capit, voluptuarij potus dulcedine perinde caperetur, ac si non aliud sit vitæ præmium. Hac tætera suum sibi conciliat atque demeretur hospitem hostis infestissimus, si quando vim manifestam non afferat, clam certè iugulum petiturus.

NÆ ille mentis aciem auerterat, ab ea quam profitebatur sapientia, qui putauit vinum munus esse pulcherrimum mortalibus à Deo Immortali tributum. Tardum scilicet diuina plura homini creet bona, an mala? Est quidem hoc ornatum priuilegio, vt spirituosâ quâ pollet substantiâ iacentes dissipatasque vires suscitit colligatque promptissimè. At non tanti illud est, vt cætera quibus corpus animumque malè mulctat incommoda, hoc, quod etiam ad nos aliunde venit, beneficio redimantur. Nempe inani acceptum ventriculo, magno eius damno ac tormento feruet, æstuat, immaniusque debacchatur; ipsos autem vbi natum est cibos, statim pessundat & corrumpit, ac si quando crudos & inquinatos non deicit in ventrem magis subinde corrupendos, turbas mouet, sursum effert, eiecit, effunditque omnia; vt eo operati non magis cibum contineant, quam arcanum. An & propterea sui odium parit Veritas, quòd sit Vini filia? planè id plusquam Circum poculum sit oportet, quod largiusculè hauitum, vel Socratem momento queat in Orcstem vertere, quod viscera ipsa distendit, calefacit, siccit, vrit, inflammat; sanguinem, corpus, mentemque furiat, docet libidinem, cuius institores exactoresque sunt oculi, vitia omnia aut incendit, aut detegit, obstantemque flagitiosis conatibus verecundiam remouet. Quid quòd Vini auiditatem auget ipsa bibendi consuetudo; meliorique extinguit indolè, haud secus ac terra semper madida spinas, lolium, ranaque educat: facit somnolentos, socordes, stultos, oscitantes, obliuiosos nulliusque frugis homines, quia ad honestatis & sapientiæ lumen mentis oculos non magis aperiant, quam ad Solis radios, qui ex diuturno morbo conualescunt.

TOTA igitur errant viâ, qui vinum Senibus perinde atque lac pueris accommodatum esse censent; longè aliter Medicorum Senatus: siue enim aliquid pristini roboris conseruare; siue officij munus tueri ac exequi; siue præstare consilio, quo res magnæ geruntur; siue autoritatè quæ senectutis apex est siue denique, vt ætate antecellit, ita & sententiæ principatum tenere cupiat Senex, vino debet vt dilutissimo ac parcissimo, vel si quid vult rectius, nullo. Equidem semouenda interdum tristis sobrietas, extrahendus aliquando in exultationem liber animus & quo pacto amariore Lupini, vbi maduere, dulcescent; sic senum qui penè stomachantur omnia, asperitas, & curæ, vino, cui inde Liberi nomen, nonnunquam diluenda. At ne in grande ventriculi detrimentum intestinalis oriatur, ne iam concussa vitæ fundamenta quatiantur, quæque tum maximè clauum tenere debet ratio, sua sede vel minimum moueatur, quò quisque est adultiore senio, hæc vini, rei omnium cætu difficillimæ, magis subducendus, in diesque minuendus est vltus: extremamque demum ætatem agentibus vna ad potum obijcienda mulla, vel aqua decocta. Hoc vnum potionis genus & siccum vegetumque corpus, & tolerabilem omnisque declinationis expertem facit senectutem, non subito frangendam, sed ipsâ diuturnitate extinguendam: Senio quippe, velut in agris ex morbo, quia languet calor, nimij caloris vinum superare cum nequeat, statim accescit, augetque crudos succos, quorum multitudine, reliquas vitalis illius caloribus quo Vita continebatur, scintillas suffocari necesse est.

Ergo Senibus Vinum parcius, dilutius.

Proponebat Lutetiæ FRANCISCVS GOVEL Parisinus, A. R. S. H. M. DC. LVII.

